

EMOZIONI

Eu parlu cu li stiddi,
e i stiddi lassanu u celu ' ncantatu
e vennu supra a terra.

Eu parlu cu lu mari,
e l'unna si stenni supra la rina
e tutti i pisciteddi cu i sirenì si mettinu,
iddi puru, supra l'unna.

Eu parlu cu li ciuri,
e i margariti spuntanu 'nte rocchi
e i cunigghiedda vennu cu amuri
e cantanu i cicali sutta u suli.

Eu parlu comu si fussi profeta,
e u ciavuru di ciuri
s'ammisca cu lu cantu di l'oceddi.

Quannu sugnu cu tua
mi tremanu li gammi,
mi batti 'n pettu u cori forti forti
e 'un sacciu cchiù parlari.

Erminio Gandolfo

Da "Spiragli", anno XIX, n.1, 2007, pag. 49.